

Ataatsimiinnerup ammarneqarnera

(Inatsisartunut sivisunerpaamik ilaasortaasimasq)

(OQAATIGINEQARTUT ATUUPPUT)

Inatsisartunut qinigaarlaani sivisunerpaamik ilaasortaasimasutut Inatsisartunut ilaasortat qinigaaqqittut nutaamillu qinigaasut 2025-mi inissitsiterluni ataatsimiinnermut qamannga pisumik tikilluaquakka. Inatsisartunut ilaasortaasimasut siunissami ajunnginnerpaanik kissaappakka maanilu sulisimanerannut qujassuteqarfigalugit.

Ulloq 11. marts 2025 Inatsisartunut qinersinnermut qinigassanngortittut 214-iusimapput, qinigassanngortissimasullu immikkut tamaasa qujaffingingaarpakka, qinigassanngortissimanerat naalackersuinikkut suliaqarnermut annertuumik siammasissumillu pimoorussinnermik takutitsimmat.

Ulloq 11. marts 2025 qinersinnermi Inatsisartunut siusinnerusukkut ilaasortaasimasut ilaat ilaasortanit nutaanit taarserneqarput. Taamaattumik Inatsisartunut ilaasortat nutaat immikkut tikilluaqqumavakka. Aamma ilisarismariikkat tikilluaqqungaarpakka. Tamassinnut atuuttumik oqaatigissavara qinigaaffimmi aallartittumi pitsaasumik anguniagaqarfiusumillu suleqatigiinnissatsinnut qilanaarama.

Inatsisartut Naalackersuisullu pillugit Inatsisartut inatsisaanni § 7 malillugu Inatsisartunut ilaasorta q s i v i s u n e r p a a m i k i l a a s o r t a a s i m a s o q Inatsisartut Inissitsiterlutik Ataatsimiinnissaannut ataatsimiigiaqqusisussaavoq.

Inatsisartunut ilaasortatut qinerneqartut inissitsiterluni ataatsimiinnissamut piaarnerpaamik qinersinerullu kingorna ullut 45-t qaangiutsinnagit ataatsimiigiaqquneqartartussaapput. Tamanna sioqqullugu qinersinnermit allattaavik naammassereersimassaaq, tassanilu kikkut qinigaasimanersut allassimassallutik. Sivisunerpaamik ilaasortaasimasq ataatsimiigiaqqusisusarpoq, tamannalu pissalluni Naalackersuisunngortussat pisariaqartumik amerlanerussuteqartunik tunuliaqutserneqarnerannik sivisunerpaamik ilaasortaasimasq nalunaarfigineqarpat – tamannalu naalackersuisooqatigiinnissamik isumaqatigiissuteqartoqareernerani nalinginnaasumik pisarluni.

Ataatsimiigiaqqusinnermi ilaasortat qinigaarlaat Nuummot apuussinnaanissaat qulakkeerniagassaavoq, soorlu aamma pinerluuteqarsimasunik nalunaarsuiffimmi allattugaatit tunngavigalugit ilaasortat qinigaasut qinigaasinnaanerat pillugu Inatsisartut isummernissaasa piareersarneqarnissaanut pisariaqartumik piffissaqartitsisoqassasoq.

Tassalu taamatut inissisimanagera tunngavigalugu Inatsisartunik ataatsimiigiaqqusisimavunga. Ataatsimiigiaqqusineq pivoq ulloq 11. marts 2025 qinersineq malillugu qinersinnerup

inerneranik qinersinermut ataatsimiititaliap naatsorsuina naalakkersuisunngortussanillu pilersitsinissamut pisariaqartumik amerlanerussusiisoqarsimanera tunngavigalugit.

Taamaalillunga takusinnaavara ilaasortat tamarmik inissitsiterluni ataatsimiinnissap matuma aallartinnissaanut anngussimasut, Inatsisartullu qinigaarlaat taamaalillutik tamakkiisumik aalajangiisinnaassuseqartut. Taamaalillunga Inatsisartut 2025-mi Inissitsiterlutik Ataatsimiinnerat ammarneqartutut nalunaarutigaa.